

## **Bugis - Bainè Kitta'è - Wives Scriptures**

**Efesus 5:22-24** Bainè, tunru'no lao ri lakkaimmu, pada-pada lao ri Puwangngè. 23 Saba' lakkaiè iyanaritu kapala ri bainèna, pada-padato Kristus mancajiwi kapala ri jema'è sibawa Alènato ritu Arung Pappassalama'na jema'è iya mancajiyè tubun-Na. 24 Pada-padato jema'è tunru'i ri Kristus, makkuwatoro ri laleng sininna gau'è, harusu'i bainè tunru' ri lakkaiè.

**Efesus 5:31,33** Ri laleng Kitta'è tarokii, "Rimakkuwannanaro sèddiè worowanè nasalaiwi matu ambo'-indo'na untu' massèddi bainèna, namancaji sèddi matu iya duwa. " 33 Iyakiya iyaro aya'èwè engkato assisumpungenna sibawa iko: Sitinajai tungke' lakkai mamasèiwi bainèna pada-pada namasèinna alèna muto sibawa sitinajai tungke' bainè makkuragai untu' pakarajai lakkainna.

**1 Korintus 7:3-5** Lakkaiè harusu'i napennoi kewajibanna selaku lakkai lao ri bainèna, na bainè harusu'i napennoi kewajibanna selaku bainè lao ri lakkainna; tungke'-tungke' pennoiwi kewajibanna lao ri laingngè. 4 Bainè dè' nakuwasaiwi tubunna muto; iya makuwasaiyèngngi tubunna iyanaritu lakkainna. Makkuwatoro lakkaiè dè' nakuwasaiwi tubunna muto; iyakiya iya makuwasaiyèngngi tubunna iyanaritu bainèna. 5 Aja' muwabèlaiwi sèddiè lao ri laingngè selaku mallaibinèngeng. Wedding muwa untu' cinampe', assaleng sipadduwano pada-pada situjuwi. Nanallalengiro tungke'-tungke' weddingngi masempajang sibawa dè' nariganggu. Iyakiya ri munri, harusu'ko lisu sisullè siyaddeppèri selaku mallaibinèngeng. Rèkko dè' nakkuwaro, weddingngi matti muwaccowèriwi pappalècèna sètangngè, nasaba dè' mumatedde tahangngi napessunna.

**1 Korintus 7:34** addimonrinna tabbagè-bagèi matu pikkiranna. Sèddiè makkunrai iya dè'è nallakkai, iyarè'ga sèddiè ana'dara, maègai matu napikkiri passalenna Puwangngè, nasaba macinnai kuwammengngi nyawa tubunna mancajiwi appunnangenna Jehovah. Iyakiya sèddiè makkunrai iya mallakkaiyènna, napattujui pikkiranna ri gau'-gau' linoèwè, nasaba macinnai sennangiwi atinna lakkainna.

**Kolose 3:18** Saudara-saudara iya mancaji bainè! Atinuluno lao ri lakkaimmu, saba' harusu'i makkuwaro kèdo-kèdo'mu selaku tau

**Kristèng.**

**1 Timotius 2:11-15** Harusu'i magguru makkunraiè sibawa mammekko enrengngè mapato. 12 Dè' upattongengngi makkunraiè mappagguru iyarè'ga parèntai worowanè; harusu'i mammekko mennang. 13 Saba' iya bunge'-bunge'è ripancaji iyanaritu Adam sibawa rimunri mani nappa Hawa. 14 Na tenniya Adam, sangadinna makkunraiè ritu ribellè, angkanna najjalèkkai parèntana Jehovah. 15 Namuni makkuwaro, salama'i matu makkunraiè ri laleng jajiyanna ana', assaleng alèna nasibawang ati mariyawa tette'i mateppe' lao ri Kristus sibawa tette' mamasèwi tau laingngè enrengngè tuwo banna untu' Jehovah.

**Genesis 3:16 - 1 Petrus 3:1-6** Makkuwatoro iko, sining bainè, harusu'i tunru' lao ri lakkaiè kuwammengngi rèkko ri yelle'na mennang engka iya dè'è namateppe' lao ri biritta polè ri Jehovah, ampè-ampèmu naullè mèbbui mennang mancaji mateppe'. Nadè' naparelluko powadai aga-aga lao ri mennang, 2 saba' naitai mennang ampè-ampèmu iya mapaccingngè sibawa makessing. 3 Aja'na agelloremmu banna agelloren ri saliweng, pada-pada èbara'na bèlo-bèloïwi gemme'è iyarè'ga pakè parèwa ulaweng, iyarè'ga mappakè iya masuliè. 4 Sibalè'na, sitinajai agelloremmu mompoi polè ri laleng batèngngè, ampè-ampè iya malemma kininnawaè sibawa tennangngè; iyanaritu agelloren mannennungengngè iya mangke' senna'è situru pakkitanna Jehovah. 5 Nasibawang caraènnaè na ri wettu riyolo sining makkunrai maggamaè iya mammènasaè ri Jehovah pagelloriwi alèna sibawa tunru'i lao ri lakkainna. 6 Makkuwatoro Sara, mapatoi lao ri Abraham sibawa nateppui puwanna. Saudara makkekkuwangngè iyanaritu ana'-ana'na Sara, rèkko mupogau'i gau'-gau' iya makessingngè sibawa dè' mumètau lao ri muwi aga.

**Titus 2:1-5** Iyakiya iko, Titus, sitinajako mappagguruwangngi pappagguruwang iya teppa'è. 2 Pangajariwi worowanè iya macowaè, kuwammengngi nakuwasaiwi alèna, mapanrè, sibawa tuwo selaku tau iya sipato'è ripakalebbi. Harusu towi mennang makkatenning ri pappagguruwang tongengngè iya polè ri Jehovah, makkamasè sibawa sukku enrengngè manrasa sibawa sabbara. 3 Makkuwatoro sitinajako pangajariwi sining makkunrai iya macowaè kuwammengngi na kèdo-kèdona mennang siturui sibawa iya sipato'è untu' tau iya tuwoè banna untu' Jehovah. Dè' nawedding mennang

**pètenna'i tau laingngè, sibawa dè'to nawedding nacandu ènungeng maseri. Harusu'i mennang mappagguruwangngi gau'-gau' iya makessingngè, 4 kuwammengngi nasibawangngi iyaro naullèi mennang paggurai sining makkunrai maloloè untu' mamasèiwi lakkaiè sibawa ana'-ana'è, 5 mancaji mapanrè, tuwo mapaccing sibawa mancaji ibu ruma tangga iya makessingngè iya tunru'è lao ri lakkainna. Nanallalengiro dè' gaga tau iya mullèngngi cellai biritta polè ri Jehovah.**

- 1 **Korintus 11:5-7,10 Narèkko sèddiè makkunrai wettunna masempajang iyarè'ga wettunna palettu'i birtta polè ri Jehovah ri yolona maèga tau, dè' napakè pattutu' ulu, iyaro makkunraiè napakatunai lakkainna iya mancajiyè kapala ri yasè'na alèna. Pada-pada muwi iyaro samanna purai ricukkuru' ulunna iyaro makkunraiè. 6 Saba' rèkko sèddiè makkunrai dè' namaèlo pakè pattutu' ulu lebbi kessing muwi rigoncingngi gemme'na. Iyakiya rèkko sèddiè makkunrai ricukkuru'i ulunna iyarè'ga nagoncingngi gemme'na, iyaro sèuwaè pappakatuna ri alèna. Rimakkuwannanaro lebbi kessing muwi pakèi pattutu' ulu. 7 Worowanè dè' naparellu pakè pattutu' ulu, saba' naddapangiwi paribadinna sibawa arajanna Jehovah. Iyakiya makkunraiè naddapangengngi arajanna worowanè, 10 Rimakkuwannanaro, untu' pèsennangiwi sining malaèka'è, sèddiè makkunrai harusu'i pakè pattutu' ulu selaku tanrang makkedaè ri yawana akuwasanna lakkainna.**

**Proverbs 12:4; 14:1; 19:13; 21:9,19; 25:24; & 27:15,16 - contentious & angry Bainè**

**Proverbs 31:10-31 - The Virtuous Bainè**

**Pastor T. John Franklin  
Church of Salvation, Healing, and Deliverance  
COS-HAD.org**